



Luxembourg, le 15 janvier 2021

À l'attention de :

Chefs de zone

Chefs de centre

Chefs d'unité jeunes pompiers

Référence : 20210114_NDS_DCO_Aktivitéite Jugendpompjeeën

Affaire suivie par : Jean-Jacques Schroeder

**Objet : Guidelines – Aktivitéite vun de Jugendpompjeeën
Update vum Januar 2021**



Nodeems «Direction générale du secteur de la jeunesse» vum Ministère de l'Éducation nationale, de l'Enfance et de la Jeunesse, den 11 Januar 2021 nei Consigné verëffentlecht huet, wëlle mir Iech mat dëser Nott op den neiste Stand bréngen wat d'Aktivitéite vun de Jugendpompjeeën betrëfft.

D'Nott vum 27 November 2020 (20201127_NDS_DCO_Aktivitéite Jugendpompjeeën) gëtt duerch des hei virleidend nei Recommandatioune komplett ersat an Dir brauch Iech just nach op dëst virleidend Dokument ze referéieren.

Aféierung

Et ass wichteg, a bësonnëch nodeems dëss fir eis alleguerten ongewéinlech Situatioun elo scho bal ee Joer undauert, datt mir eis Jugendpompjeeën, an dëser och fir si komplizierter Zäit, net vernoléisegen an hinne weider d'Méiglechkeet ginn, hirer Passioun «Pompjee» nozekommen. Virun allem déi Jonk vu 14-15 Joer, déi zäitno bei déi «Grouss» eropwiesselen wäerten, mussen weiderhin op des wichteg Etapp virbereet ginn. Mä och déi méi Kleng sollen d'Loscht un de Pompjeeën net verléieren!

Et ass natierlech och weiderhin wichteg, datt mir als Rettungsdéngschter operationell bleiwen an net duerch d'Aktivitéite vun de Jugendpompjeeën riskéiere Leit a Quarantine ze hunn oder am schlëmmste Fall souguer ungestiechen.

Desweidere komme bei eis Kanner a Jugendlecher aus méi Schoulen a Betreuungsstrukturen zesammen, sou datt mir och eng grouss Verantwortung hunn, datt kee sech bei eis infizéiert a soumadder dann de Virus eventuell weider a senger Schoul oder soss Strukturen verbreet.

Verschidden CIS'en hunn dës ongewinnt Zäit genotzt, nei Konzepter auszeprobéieren a kreativ Léisungen ze fannen! Wisou net mol eng theoretesch Übung iwuer «Zoom» oder «Teams» organiséieren, deene Jonke kleng spannend Aufgaben zouschécken déi si doheem eleng oder mat hiren Elteren oder Geschwëster kënnen maachen? Och Aktivitéiten, déi ee gemeinsam awer mat Distanz kann ennerhuelen, wéi ee flotte Geocache dee jiddere muss fannen a léisen oder eng Trëppel- oder

Velochallenge wou een all d'Hydranten, respektiv Defibrillatoren, an engem Duerf oder Quartier muss fannen a fotograféiere, kënnen an dëser Zäit interessant sinn!

Allgemeng Richtlinnen

Et duerfen nie méi wéi 10 Leit beienee kommen.

Bei allen Aktivitéiten ass d'Droe vun enger Mask obligatoresch, dëst souwuel dobanne wéi dobaussen. Fir d'Jugendleiter/-helfer ass eng chirurgesch Mask obligatoresch, d'Jugendpompjeeë kënnen och een anere Schutz wéi z.B. eng Stoffmask oder ee Buff droen.

Wat Sportsaktivitéiten betrefft duerfe maximal 10 Persounen zësummekommen. Dëst awer nëmmen wann eng Distanz vun 2 Meter tëscht deenen eenzelnen Leit kann agehaale ginn.

Virun all Aktivitéit soll de Jugendleeder deene Jonken d'Gestes barrières an déi allgemeng Verhalensreegele widderhuelen:

- Ofstand vun 2 Meter anhalen
- Mask droen (dobannen an dobaussen)
- Hänn reegelméisseg wäschen oder desinfizéieren
- An den Ielebou houschten oder néitsen
- Moie soen ouni sech unzepaken
- Eewe-Nuesschnappecher benotzen an direkt nom Benotzen an eng Poubelle geheien
- Reegelméisseg lëften (virun an no all Aktivitéit dobannen – a während enger Aktivitéit dobannen Dir oploossen an d'Fënsteren op Kipp stellen, respektiv reegelméisseg grouss lëften).

Jiddereen dee krank ass oder sech krank spiert duerf net un Aktivitéite vun de Jugendpompjeeën deelhuele. Dat selwecht gëllt och fir Leit déi a Quarantaine, respektiv am Isolement sinn.

De Chef CIS muss iwwert all d'Aktivitéite vun de Jugendpompjeeën informéiert ginn an och mat der Duerchféierung averstane sinn. Déi Responsabel vun der «unité jeunes pompiers» sinn zoustännlech opzepassen dat déi virgeschriwwen Mossnahmen och agehaale ginn.

Aktivitéiten an Übunge vun de Jugendpompjeeën

Fir d'Jugendübunge komme folgend speziell Reegelen dobäi:

- Praktesch Aktivitéiten am Grupp si just zu maximal 10 Leit erlaabt. Besser ass et, des Gruppen nach weider a kleng Ennergruppe vu 4 Léit ze splécken, fir esou d'Kontakter nach ze verréngeren. Dëse Prinzip ass soumadder änlech wéi bei den Erwuessenen, wou déi praktesch Übunge jo och maximal an enger Sektoun kënne stattfannen. Als Besonneschkeet kënnt bei der Jugend nach de Jugendleiter/-helfer bei d'Sektoun dobäi, fir déi Jonk ze encadréieren.

- D'Activitéite sollen sou vill wéi méiglech **dobauen** organiséiert ginn. Bei schlechtem Wieder ass et och eng alternativ Optioun, d'Asazgefierer virun d'Dier ze setzen an d'Garage fir d'Activitéit ze notzen, déi iwwert déi grouss Paarten och gutt a regelméisseg geléift ka ginn, respektiv wou een d'Paarten oploossen kann.
- Coursen am Sätzen mat méi wéi 10 Léit an engem Raum, och wann d'Distanz vun 2m theoretisch kann agehale ginn, sin net méi erlaabt.
- Ausserhalb vun der Activitéit duerf kee Jugendpompjee sech am CIS ophalen.
- Elteren duerfen net an de CIS erakommen.
- Gemeinsam Transporter an engem Déngschtwon sinn net erlaabt.
- Et ass eng Presenzléscht ze féieren, wien wéini u wéi engen Activitéiten deelgeholl huet.
- Et ass aktuell net erlaabt, zesummen z'iessen oder eng Activitéit mat Iwwernuechtung duerchzuféieren. Kuerz Pausen, wou déi Jonk eppes drénken oder schneeke kënnen, solle just innerhalb vum Kontaktgrupp stattfannen an dëst och just a klenge Gruppe vun maximal 4 Leit beieneen. Des Pause sollen och am Sätzen organiséiert ginn.

Reunioune vun de Responsabelen

Des Reunioune sollen no Méiglechkeet virtuell duerchgefouert ginn. Wann dëst net méiglech ass, dann ass den d'Ofstand vun 2m an d'Droe vun enger chirurgescher Mask verpflichtend.



Paul Schroeder
Directeur général